

richten weren vñ bezalen zc. in vnser cantzelly Die mülin mit allen iren
 rechten vnd gewonheiten belyben als von alter herkommen ist/ongewer-
 lich. Vnd so oft vmb .S. tag würt so soll der benant müller vñ sin erben
 so ye die mülin besitzen/eins yeden iores die geschworn des gerichtes zu .K.
 zu den würen führen vñ die gebuw desselben würes setzen lassen. Erkennen
 dann die selben das der genant müller das gewüre gnüg samlich hab gebü-
 wen/vñ ym nachmals schade daran widerführe von grund od ysbüchen
 so sollen vnd wöllen wir vñ vnser erben als dann sollichem müller vmb
 Holz vnd Isüre zu dem selben buwe beholffen sin/vff vnsern costen on sinen
 schaden. Were aber das gemelt gewür nach der richter erkennen vñ gnüg
 samlich versehen/so soll der müller solliche buw thun vff sin selbs eigen co-
 sten/vnd wir vñ vnser erbe im nit einich hülf daran zethün nit pflichtig
 sin. Vnd so oft ein müller daruff todes abgiend/oder es sunst durch an-
 der schickung zufal vnd anderung eins müllers kommē würd/so sollen al-
 wegen vns vñ vnsern erbe davon gefallen zc. zu handelen Vñ sol lunt/
 lich ein yeder müller der vff die mülin kompt vmb obgenanten zins vnd
 buw vns verbürgen. CC. güldin. Dise mülin obgenant hat auch byßbar
 dise gerechtikeit gehabt die sy ouch siro haben soll sich zu regliche gebrauch
 zubeholzen vñ zebüwen do alwegē ein waltruoget so ye zu zyten ist/vff eins
 vogts zu .II. der dann darumb gebetten werde sol/empfehle an vnser stat
 zimmerholz zu der benantē mülin geben sol. Alle geuerd vñ arglist hyer
 ynn gantz vffgeschloffen vñ byndan gesezt Vnd des zu verfund habe wir
 dem gnten müller disen brief mit vnserm anhängend insigel. Geben vff.

Ein lehnbrief vmb ein hoff zu erblichen.

Ich Dieterich bekenn vñ thun lunt offenbar in diesem brief für mich vnde
 alle myn erben vñ nachkommē Ds ich mit wolbedachtem sinn vñ mit
 dem bescheiden. h. vñ allen sin erben recht vñ redlich zu einem stetē ewigē
 erbe vnd in erblichens wyse gelyben habe. vnd yetz lyke in krafft dis brie-
 fes. II. mit burgstal mit ackern wyßen werde/vñ Holz Holtzmarck zc. wie
 ich das alles von mynem liebe vatter seligē ererbt hab. Vnd ich lyke dem
 benantē heynzen vñ allen sin erben Ds alles mit allen iren rechten vñ zu
 gehörten/wie oben stōt/nün fürhin zu ewigen zyten zu einem rechre erbe
 hen vnd in erblichens wyse das gerüwlich inhaltē nützen niessen vnd ge-
 brauchen. Vñ mit obgntē. D. vnd allen mynē erbe nün fürhin vff. .S. tag
 oder in acht tagen darvor od darnoch ongewerlich ierlichen vñ ewigliche
 gürtlichen richten vñ geben solle zehen pfündt. Vnd das antworten in vr-
 fern sichern wissenthaften gewalt/on alles lenger vffenthalten vnd ver-
 zeyhen/on alle irrung vñ intrag/vnd gantz on allen iren costen vnd scha-
 den Der genant. h. vnd alle sin erbe söllent ouch yezo in das burgstal ein
 hüß vñ scheüren zymmern/ das ein yeglicher meiger sin wonig wol dar-
 ynn haben müg mit sinem costen/on allen mynen schade Vnd Ds in gü-
 tem nutzlichem vnd gewonliche buw vñ eren wesenlich halten vnd habe
 vor abgang/vñ daruff sitzen vnd sin wonung darynn haben. Vñ sol der
 genant. h. aller dienst schätzen reifen vñ landschade fry syn/on alle geuer
 d. Er vnd sin erbe söllent ouch das obgenat leben vnd alle die güter die

Letzen brief